

石

匱

書

石匱書卷第二十一

洪熙以後功臣侯者世表叙

朝廷設五等之爵原以之待非常之人開國靖
難以後如樂胡征蠻伏羌捕反書績旂常締盟
白馬夫然後麟閣圖形良金寫像最重典也後
來名器不慎濫及他途以叛臣而盜名擁戴以
營建而躡職通侯以復辟而攘奪天功以義兒
而妄干佐命以常侍而竊蔭連枝以威琬而上

濟封拜朝為常布夕服衮衣爵號至此狼藉已
極余以此輩盡列之恩澤而使我朝山河帶礪為
之一清益之上追高皇帝非功勿侯之明訓
下監于孫朝授職不當之陋規也嗣後如靖遠
威寧二伯俱以失身婦寺遂獵得功名其所以
得封侯之賞者真取之如寄而王新建不附江
許錢寧以真正捕反擒王之功刻印不予至嘉
靖元年而物議始定及得封爵又詭奪詭予非

吳司馬之左右其壻則其孫又不得繼祖而襲其爵矣觀靖遠威寧之所易若彼而新建之所難若此朝廷與援萬不可少而昔人謂世未有權臣在內大將能立功於外者非權臣在內大將遂不能立功於外蓋以大將不附權臣雖立功於外而朝廷亦莫紀其功也千古之志士豪人枕戈而待旦者至此亦不得不發一嘅矣

洪熙以後功臣侯者世表

姓名	功	封邑爵	祿	進封	世除	續封
----	---	-----	---	----	----	----

洪熙朝

梁銘	請難	保定伯	千石		世	
----	----	-----	----	--	---	--

吳成	征胡	清平伯	一千百石		世	
----	----	-----	------	--	---	--

吳普者	征胡	廣義伯	千百			
-----	----	-----	----	--	--	--

李賢	征胡	忠勤伯	一千百石			
----	----	-----	------	--	--	--

宣德朝

趙安	蔣貴	正統朝	金順	李英	滕定	李玉	費璫
征胡	征胡		征胡	征胡	征胡	征胡	征胡
會川伯	定西伯		順義伯	會寧伯	奉化伯	新建伯	崇信伯
千石	千五百石		八百石	八百石	八百石	八百石	一千一百石
	侯						
世指	世		世指	世指	世指	除	世
揮使			揮使	揮使	揮使		

景泰朝

任禮	征胡	寧遠伯	二千 百石		失律 除
沈清	營建	修武伯			世指 揮使
譚廣	征胡	永寧伯			世指 揮使
陳懷	征胡	平鄉伯	一千		世指 揮使
馬亮	征胡	招遠伯	一千 百石		世指 揮使
王驥	征蠻	靖遠伯	三千 百石		世
蔣信	征胡	忠勇伯	千石		除

楊洪

禦胡

昌平伯

千石

侯

世指
揮使

石亨

禦胡

武清伯

三千石

侯忠
國公

除

郭登

禦胡

定襄伯

一千百石

世指
揮使

朱謙

禦胡

撫寧伯

二千百石

侯保
國公

世侯

方瑛

征蠻

南和伯

千石

流侯

世伯

毛勝

征蠻

南寧伯

千石

世

天順朝

楊信

禦胡

彰武伯

千石

世

楊能

禦胡

武強伯

千石

世指
揮使

陳友

征蠻

武平伯

千石

流侯

世伯

曹義

禦胡

豐潤伯

二千
百石

世

施聚

禦胡

懷柔伯

一千
百石

世

焦禮

禦胡

東寧伯

二千
百石

世

李文

高陽伯

除

成化朝

劉聚

禦胡

寧晉伯

千石

世

五
世

卷

洪熙以後功臣世表

之

正德朝

和勇	羅秉忠	李震	王越	趙勝	趙輔	毛忠
征蠻	征蠻	討賊	征胡	營建	征蠻	征番
靖安伯	順義伯	興寧伯	威寧伯	昌寧伯	武靖伯	伏羌伯
一千 百石	千石	千石	六千 百石	千石	二千 百石	千石
世指 揮使	除	除	除	世指 揮使	世	世

仇鉞

捕反

咸寧伯

一千百石

侯

罪除

嘉靖朝

王守仁

捕反

新建伯

世

萬曆朝

李成梁

征胡

寧遠伯

梁銘汝陽人嗣父燕山護衛百戶從靖難守戰

積功為都督府僉事洪熙元年進同知充叅將

出鎮寧夏論靖難守城功封保定伯于世券宣

德初卒交趾軍中子瑤嗣正統十四年充副總
兵征鄧茂七有功師旋餘黨復亂被劾降爲事
官景泰二年充平蠻將軍征湖貴寇常同烈平
之三年進流侯世伯天順元年充提兵官鎮陝
西剿寇涼州擊走之居七年召還予世侯卒贈
蠡國公謚襄靖瑤數掌兵不妄殺子弟從征以
功授官悉辭不受子傳嗣傳卒子任嗣任卒子永
福嗣永福卒子繼藩嗣

吳成本名買驢遼陽人洪武二十年来歸附充
永平衛總旗從靖難有功累陞山西都指揮使
歷征胡有功宣宗即位以洪熙元年征大松擒
生斬首封清平伯賜誥券宣德四年進侯八年
卒進封渠國公謚壯勇十年孫英仍襲伯天順
八年子璽嗣成化十五年從第琮嗣正德三年
傑嗣嘉靖二十年家彥嗣萬曆四年國乾嗣
吳管者從父允誠自胡中降附擒獲脅叛胡人

從出塞斬酋降附部落歷陞左都督洪熙元年
封廣義伯子世券卒子琮嗣竟除

李賢韃靼人故元兵部尚書名丑驢洪武中歸
附賜姓名譯酋書侍仁宗東宮恭慎擢紀善論
靖難功陞都指揮僉事仁宗即位進右都督以
征胡功封忠勤伯年八十餘卒除

費璫定遠人祖遇以開國功歷陞燕山中護衛
指揮使璫代父為官從靖難陞右軍都督府左

都督鎮守甘肅撫綏勞徕宣德元年養念舊人
封崇信伯于世恭卒三年子釗嗣弘治十一年
柱嗣卒亡子嘉靖十年弟棡嗣十八年煒嗣三
十五年坤嗣萬曆二年甲金嗣

李玉文河人請難初自大寧歸附立功陞都督
宣德四年封新建伯歲祿八百石賜券世指揮
使歷官四十年典領宿衛小心敬畏

滕定山後人父瓚住明初以元樞密知院來降

賜姓名授會州衛指揮僉事從靖難歷燕山右
衛指揮使定嗣官以金吾左衛都指揮同知出
塞征胡累有功宣德四年封奉化伯奏不世卒
官子福指揮使

李英西陲人洪武初父南哥率衆降授西寧衛
管軍所鎮撫招撫西番八族累功陞西寧衛指
揮僉事英副官從成祖征胡戰敗老的沙於涼
州永昌後再從征胡累都督指揮同知洪熙无

元年撫安全王之殺掠使臣者掠男女千餘人
駝馬十三萬仁宗勅勞之曰古名將陞右軍都
督府左都督宣德二年勅平標邊西番即兒加
四年封會寧伯鎮守西寧英才畧有胆所部皆
西邊精銳士常者輒破敗七年坐失昭陳通構
諫下詔獄削爵正統中官其子昶錦衣指揮同
知天順元年進都指揮使累官督府于世錦衣
使

金順尼刺人本名阿魯哥失里永樂七年来降授大寧都指揮僉事八年從北征追敗本雅失里阿魯台進同知洪熙元年陞都督府僉事宣德三年從巡邊擒鹵四年以舊勞封順義伯卒官子忠指揮僉事

蔣貴江都籍諸暨人靖難初起小卒累戰功世昌國衛指揮同知征胡有功陞都指揮僉事以勦捕松潘累攻西番蠻寇自都指揮同知累都

背同知充總兵官鎮守松藩等處正統三年以
右都督副總兵征朵兒只伯斬捕首酋中律封
定西伯子世券七年以麓川功進侯率贈涼國
公二十三年驥嗣正德四年廢嗣嘉靖十一年
傳嗣率亡子三十五年弟佑嗣萬曆三年建元

嗣

趙安狄道人從兄琦為土指揮同知坐罪死安
請戍甘州永樂元年進馬除臨洮百戶使西域

從北征歷功陞指揮同知宣德二年以都指揮
同知充叅將征松壘番散刺五年以督府僉事
充叅將從史昭討曲先十年援甘涼鎮番正統
元年以都督同知充副總兵征朵兒只伯捕首
酋中律封會川流伯卒子英為指揮使以功陞
都督府同知卒于世指揮使

任禮臨漳人以燕山護衛軍從靖難累功陞都
督指揮同知四從出塞征胡陞都督府僉事宣

德元年以都督同知征漢正統三年以右都督
總兵征朵兒只伯斬捕首酋中律封寧遠流伯
十二年降沙州都督南哥等十三年予世伯成
化元年卒贈侯謚僖武子壽嗣壽鎮守陝西征
滿四失律論死宥戍邊與世指揮使

沈清滁人世官燕山百戶從靖難累指揮同知
出塞征胡陞督府僉事洪熙元年充叅將守居
庸宣德初從征漢扈駕出大寧進都督正統元

年與太監安工部尚書中修建京師九門城樓
六年以營建宮殿功封修武伯一年卒子榮嗣
沒土木削爵景泰三年子煜仍嗣天順初贈榮
侯謚僖愍成化十三年煜坐淫酗失侯卒子祺
嗣卒亡子弟坊嗣卒弘治十四年以清伯非軍
功予錦衣世指揮使

譚廣丹徙人從靖難再從出塞征胡以都督鎮守宣
府正統六年捕鹵獲胡馬中律封永寧伯進流

侯四年卒子孫世指揮使

陳懷合肥人父甄以開國功為真定副千戶懷嗣官陞通州正千戶從靖難歷陞都指揮僉事守遼東永樂六年以白堂海口功陞都指揮使從出塞陞都督同知以總兵勦松潘斬捕功多陞都督正統九年以總兵出古北口捕斬首功虎頭山封平鄉伯五年歿土木贈侯謚忠毅以其父子歿於軍與子黼嗣伯卒仍與子政伯卒

以政有用兵兩廣功與子信嗣伯率與世指揮
使

馬亮淇人燕山騎卒從靖難累功陞都指揮僉
事永樂中四從征胡出塞宣德初從征漢庶人
又從出塞陞左都督正統九年以流沙河斬鹵
獲輜畜功封招遠流伯十一年卒謚榮毅子驍
襲指揮使屢乞嗣伯不許

王驥東虎人正統七年以兵部尚書總軍雲南

勅平麓川寇封靖遠伯世指揮同知八年復征
麓川擒獲賊首六十餘人九年加歲祿十三年
總督軍務征勅孟養賊子思機發奪金沙大江
攻破賊柵擒獲賊黨十四年勅殺湖貴苗賊首
剡平王景泰元年予世券天順元年卒贈侯謚
忠毅子瑋嗣成化七年添嗣十九年憲嗣正德
十年瑾嗣萬曆元年學詩嗣卒亡子四年弟學
禮嗣

蔣信故名把台以也先土干甥從降歷戰塞北
有功陞都督正統中封忠勇伯土木敗降也先
也先令居其弟賽罕王部下竟從上皇歸卒贈
侯謚僖順

楊洪六合人祖政立功世漢中百戶洪嗣官調
開平累功都指揮正統初以都督守獨石鹵宣
府大石門昌寶州捕鹵阿台打刺花斬首功二
百十三年封昌平伯充總兵鎮宣府十四年坐

英宗駕陷鹵速繫獄鹵犯京師出獄立功與孫
鐘范等擊鹵涿州紫荆關遂至固安大捷捕鹵
阿歸等四十八人斬首功四百八十邀還俘掠
人萬計牛馬弓刀數萬鹵退進侯景泰二年賜
世券還鎮宣府卒贈賴國公謚武襄子傑嗣侯
卒亡子庶兄俊先以擒叛者喜寧功陞都督坐
罪論死得降都督僉事嗣侯卒復坐法當死失
侯子珍嗣天順元年坐黨附于謙戍廣西天順

八年赦還授龍虎指揮使孫越調開平

石亨渭南人嗣伯父為寬河衛指揮僉事以出征有功累陞都指揮使正統十二年遷大同左叅將守萬全十四年以英宗駕陷鹵繫獄鹵犯京師出獄立功戰鹵安定門諒之彰義門追敗之清風店論功封武清伯尋進侯總京營天順元年以奪門迎駕功進封忠國公賜誥券追封三代天順四年繫獄死除

郭登武定侯諸孫也正統七年以勲衛從征麓
川九年從征騰衝有功歷署都指揮僉事十四
年酋入塞進都督僉事副劉安宇大同歷陞右
都督景泰元年破酋拷撓山論功封定襄伯子
世券天順元年奪爵為都督僉事南京尋謫戍
甘肅成化年復爵召還充團營總兵八年卒贈
侯謚忠武亡子以兄子嵩為後得嗣減歲祿五
百卒子世指揮使

朱謙夏邑人祖明國初歸附為小旗子真代役
累軍功歷鳳陽留守左衛指揮僉事謙襲父官
累征迨北有功陞萬全都司都指揮使充右叅
將鎮守萬全累擒斬鹵賊歷後府左都督奉勅
充總兵鎮守宣府英宗北狩率子永出謁犒軍
勞鹵景泰元年捕鹵龍門關中律封撫寧伯一
年卒永嗣迨給謙誥券于世伯天順元年用宣
府謁駕進侯成化二年以削平荆襄反者劉千

斤斬獲首級三千上生擒五千進侯追謚謙武
襄六年征進酋首呵囉累擒斬于世侯十四年
統軍魚兒河等處擒斬酋加太子太保十五年
征建州裔結朵顏遼東塞功最進封保國公十
七年禦酋亦思馬於大同戰海山生擒賊于世
公弘治五年加太師九年卒追封宣平王自侯
至公凡四十二歲子暉嗣正德七年麒嗣侯嘉
靖十七年岳嗣亡子隆慶二年從弟國嗣

方瑛金椒人父耿以祖廕千戶從靖難累都指揮食事永樂五年征交趾勦殺蠻寇陞都指揮攻黃山洞宣德八年鎮守四川收捕西北任昌黑虎等寨累陞右都督正統二年總奇兵征麓川死於軍追封威遠伯瑛襲父官為指揮使乞領父兵從定西伯報讎先登破賊寨陞都指揮同知六年從靖遠伯征麓川殺獲賊陞都指揮使攻破杉木龍寨生擒賊首陶孟靠等功陞都

督餉事充叅將守備雲南孟養阿嶺等處破敵
戰勝景泰元年以都督同知充叅將鎮守貴州
殺退苗賊陞右都督充總兵官仍鎮貴州征進
香爐山等處陞左都督五年封南和伯六年充
總兵官征進銅鼓五開斬獲功多留鎮守貴州
撫捕苗蠻天順元年論平蠻功進流侯于世伯
封六年卒謚忠襄四年子毅嗣坐罪革爵成化
十五年孫壽祥嗣嘉靖十八年東嗣三十三年

炳嗣隆慶二年應奇嗣卒亡子六年炳從弟暉
嗣

毛勝初名福壽和寧王阿魯台之裔祖毛邨海
國初歸附授燕山中獲衛閑牧官從靖難累陞
都督同知亡子弟安泰襲兄官為羽林前衛世
指揮使子濟襲有征鹵功亡子福壽襲兄官進
為都指揮使正統七年征破麓川陞左府都督
僉事充右叅將復征麓川八年論功陞都督同

和十四年殺鹵龍門陞左都督還守宣武等門禦
鹵犯京師出禦鹵紫荆關充副總兵征進湖廣
貴州興隆等處山峒擒獲苗王常同烈等景泰
三年往貫屯金沙擒獲賊子思機發五年討南
寧伯改名勝于世恭還鎮守金甌等處封四年卒
追封侯謚忠壯子榮嗣成化六年文嗣弘治七
年良嗣嘉靖三十四年重器嗣卒亡子弟邦器
嗣卒亡子四十一年弟國器嗣

楊信六合人正統中從其伯父洪補鹵累功所
鎮撫至都督同知充總兵官天順二年佩將軍
印總兵鎮守延綏領軍西黃梁三與鹵戰擒斬
賊首阿力台王封彰武伯屢逐鹵天順八年予
世伯二十一年卒贈侯謚武毅子瑾嗣弘治十
年質嗣嘉靖十八年儒嗣四十一年炳嗣
楊能六合人正統中從伯父洪有功累開平指
揮使敗鹵灣河三岔口擢都指揮僉事從洪還

朝連敗鹵紫荊倒馬二關景泰元年陞都指揮同
知以游擊將軍禦邊宣府敗賊八里溝陞都指揮
使仍充游擊將軍統神機京兵尋擢後軍都督僉事
充左叅將鎮宣府進都督同知充左副總兵召還
總神機京兵天順元年以殺賊功陞左都督總兵
宣府大同有警請自行戰敗賊磨兒山石灰站進
封武強流伯四十年卒亡子第倫嗣世指揮使
陳友其先西域人寓全椒永樂中以馬軍從征

國大殺胡於塔山等處捕獲忠勇王也先土干
部宣德初積功實授百戶復用招降捕鹵功陞
副千戶正統初屢入鹵招降其男女送至進獻
駝馬牛畜貢使時：捕首鹵功多累陞都督同
知充左叅將統兵征進湖廣貴州地方擒獲苗
王賊首常同烈等陞右都督留鎮湖廣累殺苗
賊銅鼓五開諸處空其巢寨天順封武平伯復
與鹵戰鎮番五十餘捕獲千餘二年進流侯卒

子能嗣伯成化二十年綱嗣弘治三年追封友
汧國謚武僖九年勲嗣卒亡子正德五年弟熹嗣
嘉靖十三年大策嗣萬曆中永祿嗣

曹義儀真人祖勇以開國功累陞山左衛左千
戶父勝從靖難征虜累陞本衛指揮僉事義襲
世官永樂二十年征進半壁山等處有功宣德
五年以湖廣都司署都指揮僉事征進江西梅
花峒等處勦捕賊寇累功十年以中府都督僉

事充總兵官鎮守遼東捕鹵斬獲歷陞左都督
天順元年封豐潤伯予世券四年卒贈侯謚壯
武孫振嗣弘治三年愷嗣愷鎮守貴州兼提督
清平等衛捕斬叛苗功多終掌南京前軍府事
總理操江嘉靖五年棟嗣卒亡子七年弟松嗣
三十九年文炳嗣

施聚通州人父忠國初充燕山右護衛前所軍
征進總可來亦都山大寧蔚齊眉山等處累有

功歷陞金吾右衛世襲指揮使永樂七年征進
飲馬河沒於軍聚襲父官累征鹵有功正統十
四年以右都督充總兵官協守遼東景泰三年
殺賊登州營有功陞左都督天順元年封懷柔
伯子世券二年卒贈侯謚威靖子榮嗣八年鑑
嗣弘治八年璜嗣卒亡子嘉靖八年瑾嗣十五
年素嗣三十四年嵩嗣隆慶三年光祖嗣

焦禮山後廣寧人父八思台國初歸附除薊州衛指

揮僉事禮以舍人從軍有功宣德元年襲父官
調守遼東禦鹵多功鹵人比之飛將軍累陞左
都督天順元年封東寧伯子世券封七年卒子
壽嗣卒亡子成化九年弟俊嗣弘治十四年子
洪嗣卒子不嗣正德八年弟洵嗣卒亡子十六
年再從姪棟嗣嘉靖四十二年文耀嗣
李文缺邑里為陝西都指揮督練西寧土兵天
順元年以大同威遠殺賊累功封高陽流伯除

劉聚濟人叔永誠以太監出鎮甘肅聚從立功
歷都督同知天順五年捕曹欽陞右都督成化
六年充副總兵出延綏塞遇鹵被七創濺血力
戰大破鹵擒斬也忽五等首級以上俘獲最陞
左都督七年自陳功封寧晉伯再充總兵殺賊
延綏九年予世十年卒進侯謚威武子祿嗣卒
亡子十一年弟福嗣福為京營總兵卒十五年
岳嗣卒亡子嘉靖六年弟子文嗣二十三年良璽

嗣卒亡子三十五年叔斌嗣萬曆三年應元嗣
毛忠涼州人魯祖刺歹洪武初從軍為千戶祖
拜都征哈密皆戰歿父寶永樂中從出塞功授
百戶忠嗣父為官初名哈喇累功行都司都指
揮同知賜毛姓又以功陞都督同知賜名天順
初以征福建百賊功陞右都督充左府總兵鎮
守甘肅復以勦酋功進左都督成化三年以從
宣城伯賴殺番功多封伏羌伯以討土胡滿四

力戰中流矢子海孫鏜皆歿見卒夢曰吾當生
擒四贈侯謚武勇于世伯恭孫銳嗣銳弘治十
五年鎮兩廣加太子太傅劉瑾索銳金不能應
正德三年落太子太傅奪祿十五勒罷瑾誅卒
贈太傅謚威襄嘉靖三年江嗣率亡子弟漢嗣
卒亡子三十三年弟子栢嗣三十九年登嗣
趙輔鳳陽人魯祖端開國功累官濟寧衛指揮
使父本從征漢庶人陞都指揮輔嗣祖為官正

統十四年陞都揮僉事管操尋陞署都督僉事
充叅將鎮守懷來等處累禦鹵天順八年營建
功陞後軍都督同知成化元年以總兵征蠻大
藤山峽功最三年封武靖伯充總兵官征勅建
州俘斬最進侯予世券卒贈容國公謚恭肅子
承慶嗣正德三年弘澤嗣嘉靖八年世爵嗣二
十三年國試嗣萬曆二年光遠嗣

趙勝遷安人宣德中世官景泰元年累功陞都

指揮僉事天順五年以捕曹欽功陞都督同知
以叅將出國原捕獮有功成化四年陞都督充總
兵鎮遼東七年捕斬朵顏有功召還十二年修
京城加太子太保三千營總兵十九年封昌寧
流伯又明年加太保卒贈侯謚壯敏弘治元年
孫鑑世指揮使銓錦衣

王越濟人以兵部尚書捕獮威寧海成化十六
年封威寧伯于世恭仍左都御史掌院事十七

年出寧夏佩征西將軍印充總兵官鎮大同移
鎮延綏以斬酋首功加太子太傅掌前軍都督
府事總團營敘一子錦衣百戶編管安陸再起
握軍卒贈太傅謚襄敏除

李震南陽人父謙督府僉事震嗣指揮使正統
中以征兀良哈木麓川香蘆山榜辦寨功陞督
府僉事天順四年充總兵征武岡黎平賊五年
攻西廣貴州蠻陞同知成化元年還兵湖廣征

荆襄賊歷陞左都督十二年論征靖州苗功封
興寧伯十四年革爵閑住二十二年復伯爵乞
誥券不許子昂不得嗣

羅秉忠父困即來沙河衛指揮永樂中討平肅
州叛回哈喇馬牙陞都督同知二年秉忠以征
阿台朵兒功陞千戶累功陞指揮十年調平山
衛十四年征辰沅擒苗酋帝同烈陞都督同知
天順初陞都督成化三年充游擊征貴州有功

四年封順義伯十六年卒謚榮壯子珍不得嗣
和勇祖阿魯台降文皇封和寧王父阿卜只奄
授左都督勇以父故為錦衣指揮使正統十四
年以紫荆關斬首圖功歷陞都督僉事天順元
年進同知五年游擊將軍征廣蠻成化元年再
征有功陞左都督後以潯州獲叛酋斬首功多
封靖安流伯十年卒謚武敏子忠歷戰功為錦
衣指揮僉事得世

仇鉞江都人世指揮同知立功以游擊將軍守
寧夏正德五年以討反者寧化王寔鐸功封威
寧伯予世券仍總兵守寧夏七年克平賊將軍
征流賊以功進侯卒孫鸞嗣以罪除

王守仁餘姚人以提督南贛汀漳等處軍務右
副都御史擒反者寧王宸濠正德十六年封新
建伯兼南京兵部尚書隆慶二年予世子正億
嗣萬曆五年承勲嗣

李成梁遼東鐵嶺衛人萬曆間以軍功為總兵
官封寧遠伯于世券

石匱書曰余見市肆之中貨賣果餌極少者必至
極多最貴者必至最賤朝廷之貲爵制祿也亦
何獨不然崇禎末李一時封伯者如吳三桂鄭
之龍左良玉唐通黃得功而劉澤清以不得與
封心甚鞅鞅朝廷謂臨清地近事在可虞以封
澤清為第一急務此時以五等之爵為敗絮廢

楮為塞罅室穴之用而弘光監國南都遂晉黃
得功劉澤清為侯而封劉良佐高傑為伯立為
四鎮以禦強敵此時又以五等之爵為棋棊李
栗為婦人賫見之禮名器之濫一至於此而後
之闕唐越魯官爵之賤遂如泥沙民間有彌天
太保徧地公侯之號一道告身至不得供人一
醉而隕霜殺菽萬卉俱彫蒲穀貂蟬又何足向
人道哉余故脩載之以觀世變

石匱書卷第二十二

恩澤外戚侯者世表叙

國初侯伯自侯伯恩澤自恩澤戚畹自戚畹自
以侯伯為恩澤而侯伯之所以不貴也自以戚
畹為侯伯而戚畹之所以不久也 世宗皇帝
詔曰營丘以鷹揚列土建成以馬款受盟后家
封爵 皇祖未有典制親定封公雖綠戚里實
開國請難佐命功臣彭城惠安軍功居半可世

如故他皆宜革徒以先朝恩命錄之且終其身
自是度陽太和皆罷封稍、陳乞或得都督指
揮使余謂名之皇親其號自貴何必假以府衛
方為受職并都指揮之銜亦不用可也若夫常
侍子弟封伯封侯尤為僭竊張永谷大用馬永
成陸闡魏彬輩皆有恩廕狀其盛衰消長總視
其威福遞為有無海市蜃樓有何足恃徒授科
道坐以罪名則亦何益而魏忠賢以三殿告成

晉魏良卿為寧國公以寧錦三捷又封魏鵬翼
為安平伯魏良棟為東安侯時鵬翼侄三歲子
任座錦衣衛指揮使者十有三人而魏氏宗黨
親戚至週歲兒無不衣蟒橫玉恩澤至此可謂
極矣而天啓宴駕死不旋踵九錫之命曾足以
救其一死否也使其中有知時務者恩澤自恩
澤高力士進封齊國以老奴自居戚畹自戚畹
馬伏波圖影雲臺後以椒房自退繇此觀之則

恩澤戚畹何足以累人而賢者過此亦當知所
自處矣

恩澤外戚侯者世表

陳友富	陳普才	陳理	何真	桑敬	濮璵	姓名
友諒兄	友諒父	降王	歸附	父世傑	父英	恩戚
歸仁伯	承恩侯	歸德侯	東莞伯	徽先伯	西涼侯	封邑爵
			五千 百石	七千 百石	二千 五百石	祿
						進封
除	除	徙高麗	除	除	除	世除
						續封

陳瑄	王佐	茹瑄	王寧	納哈出	買的里 八剌	明昇	陳友直
推戴	推戴	推戴	推戴	降胡	孫元主	降王	兄友諒
平江伯	順昌伯	忠誠伯	永春伯	海西侯	崇禮侯	歸義侯	懷恩侯
千石	千石	千石	千石				
流侯							
世伯		流	除		歸北	徙高麗	除

張軌	張軌	揚善	石彪	徐有貞	蔣廷珪	金忠	徐景昌
奪門	奪門	奪門	奪門	奪門	夫衛聖	降胡	壽父增
太平侯	文安伯	興濟伯	定遠伯	武功伯	保昌伯	忠勇王	定國公
二千石	二千百石	二千百石	千石	一千百石		千石	二千五百石
揮世指	揮世指	揮世指		除			世

石壁書

恩澤外戚世表

口

武德	張容	張富	神英	董興	曹欽	衛穎	孫鏜
太監 義兒	太監 永弟	太監 永弟	黨劉 瑾	奪門	奪門	奪門	奪門
永壽伯	安定伯	泰安伯	涇陽伯	海寧伯	昭武伯	宣城伯	懷寧伯
千石	千石	千石	八百石		二千 百石	一千 百石	三千 百石
除	除	除	除	除	除	世	世

張昶	陶仲文	朱恭	魏英	陸永	馬山	谷大亮	谷大寬
昭皇 后弟	方術	賜國 姓	太監 弟	太監 弟	太監 兄	太監 弟	太監 兄
彭城伯	恭誠伯	永定伯	鎮安伯	鎮平伯	平涼伯	永清伯	高平伯
五千 百石			千石	千石	千石		千石
世	除	除	除	除	除	除	除

王清	王源	周或	周壽	錢承宗	吳安	孫忠	張昇
后純弟	后純弟	后周弟	后周弟	后唐弟	后吳弟	后章父	后昭弟
崇善伯	瑞安伯	長寧伯	慶雲伯	安昌伯	安平伯	會昌伯	惠安伯
千石	千石	千石	千石	千石	千石	二千石	一千石
	侯		侯			侯	
除	除	除	除	除	除	除	世

方銳	陳萬言	夏儒	蔣輪	張延齡	張樹	邵喜	王濬
后赤烈父	后孝潔父	后敬聖弟	后敬聖弟	子繼火	后敬聖弟	后邵太弟	后純聖弟
安平伯	太和伯	廣陽伯	玉田伯	建昌伯	壽寧伯	昌化伯	安仁伯
五千百石	千石	千石	千石	六千百石	五千百石	千石	千石
除	除	除	除	除	除	除	除

崔元	周奎	張國紀	王	李偉	陳景行	李銘	杜繼宗
駙馬	后思宗父	后熹宗父		后李太父	后孝莊父	后莊皇父	后杜太弟
京山侯	嘉定伯	武康伯		武清伯	固安伯	德平伯	慶都伯
五千 百石							
除							

崇禎弘光朝

劉效祖

劉太弟

新樂伯

蕭之龍

南安伯

左良玉

寧南伯

侯

吳三桂

平西伯

唐通

定西伯

黃得功

靖南伯

侯

劉澤清

東平伯

劉良佐

廣昌伯

高傑

興平伯

濮興廬人父英從宋國公受降納哈出殿其軍
遇伏被鹵自剖腹死洪武二十年贈金山侯諡
忠襄明年進贈樂浪公璵生數月即襁褓封西
涼侯稍長入朝被賜錫玉懸冠二十六年坐
追論父黨戍五開竟除

桑敬無為人父世傑與張士誠將戰死贈永義
侯敬用父故授都督僉事洪武二十三年以功

封徽先伯竟除

何真東莞人保廣州以降洪武二十年以湖廣
左布政致仕封東莞伯予世券子榮嗣竟坐黨
死國除有傳

納哈出元末華黎裔孫降於宋國公洪武二十
年封海西侯隨征雲南卒子察罕改封瀋陽坐
黨死除

陳理漢友諒子以降封歸德侯洪武五年徙高

麗

陳普才友諒父封承恩侯除

陳友雷友諒兄封歸仁侯除

陳友直友諒兄封懷恩侯除

明昇夏玉珍子以降封歸義侯洪武五年從高

麗

買的里八剌元順帝孫洪武三年以俘封崇禮

侯五年遣歸

二寧壽州人尚太祖女懷慶公主為駙馬都尉
以不附權勢誣陷洪武三十五年封永春侯予
世券六年下獄卒除

茹瑄衡山人以貢士累兵部尚書讓帝使入燕
求和無所白燕王入金川首勸進洪武三十五
年封忠誠伯止其身坐歸里出長沙不謁谷王
頌繫卒全家戍河池仁宗即位賜歸

王佐缺邑里以都督同知入燕講和通謀獻金

川洪武三十五年封順昌伯世指揮使永樂三年鎮雲南有罪下獄死除

陳瑄合肥人父聞以開國功歷指揮同知坐罪瑄代父戍遼陽與買哈剌丹日二十戰累進都督僉事建文四年召防江具舟迎北軍洪武三十五年封平江伯世襲指揮使以總兵治漕內渠有功洪熙元年許世伯封三十二年卒追贈侯子佐嗣正統二年豫嗣十三年以總兵出軍

江福建叛寇有功其明年勦寇首鄧茂七進侯
景祚二年賜券卒追封顯國公天順八年銳嗣
鎮兩廣勦蠻賊還總漕 有功益歲祿累進太
傅卒弘治十六年熊嗣總漕不能當中貴人劉
瑾逼索坐多置田宅漁民充軍海南瑾敗復爵
卒子珪嗣初給祿卒亡子嘉靖元年弟子圭嗣
卒加太保三十四年王謨嗣

徐景昌鳳陽人父增壽中山王次子以戰功為

右軍左都督數從燕王出塞征乃見不花於燕
為密靖難軍入金川門增壽為讓皇帝所殺洪
武三十五年追封武陽侯永樂二年加贈定國
公以景昌嗣公予世券二十二年坐劾奪爵洪
熙元年還公卒正統三年顯忠嗣景泰六年永
寧嗣疾失心成化二年坐誤殺制書還爵閑住
卒弘治十七年孫光祚嗣嘉靖二年論奉迎防
守功加太子太傅五年以修睿宗實錄加太師

辛八年延德嗣隆慶元年文壁嗣

金志本名也先土干元太保不花孫鹵中呼為
王子永樂二十一年冬上出塞駐王莊堡也先
土干率妻子種落千人來歸上嘉立封忠勇王
賜姓名詔諭天下予鐵券金印玉帶鞍馬并官
其部酋時侍從仁宗即位加太子太保支二俸
宣德二年扈巡邊進太保除

蔣廷珪缺邑里以衛聖夫人楊氏夫洪熙元年

石國事 卷一
封保昌伯卒謚莊靖

徐有貞吳人以副都御史與石亨迎太上皇南宮復皇帝位陞兵部尚書華蓋殿大學士進封武功伯亡何謫戍金齒除

石彪渭南人從從父亨有功授大同衛鎮府景泰元年從事躁鹵清風店陞都督僉事為後軍右都督鎮守大同天順元年論殺鹵功封定遠伯再論奪門功進侯四年伏誅

楊善大興人以右都御史迎駕南宮天順元年
封興濟伯卒贈侯子宗嗣成化元年予世錦衣
指揮同知

張輓忠武王第三子以功臣子累戰功為中軍
右都督迎駕南宮封文安伯予世券五年卒子
斌嗣坐咀咒宥死閑住世錦衣指揮使

張軌輓弟以勲戚入衛用軍功累陞右都督天
順元年以迎駕南宮封太平侯追封三代卒贈

裕國公謚襄子瑾嗣成化元年興指揮使

孫鏜東勝人襲父林為指揮同知以殺虜冠退

南都城下累官右都督天順元年迎駕南宮封

懷寧侯五年勦反者曹欽長安門弔世侯成化

初以殺曹欽功不與奪門同奪侯侯十五年卒

追贈涑國公謚武敏成化七年子輔嗣十六年

恭嗣弘治十五年應爵嗣正德十二年瑛嗣卒

子嘉靖十八年弟瑄嗣二十三年秉元嗣三

八年世忠嗣

衛與華亭人父書國初以水軍為總旗授荊州
衛百戶從難有功累都督僉事賴襲官為濟南
衛指揮使正統十四年以山東都司署都指揮
僉事破鹵擢後軍都督府僉事禦鹵京師有功
進都督同知天順元年諭迎駕南宮陞左都督
其冬封宣城伯鎮守甘肅累殺鹵破番有功成
化初錄破番功予世伯弘治十一年卒贈侯謚

壯勇子璋嗣正德十二年襲嗣三十六年守正
嗣隆慶二年國本嗣

曹欽天順元年以太監吉祥從子從奪門功封
昭武伯五年坐反伏誅

董興缺邑里石亨言其有靖除內難功天順元
年得封海寧伯尋命鎮守總兵遼東不能圍鹵
料刻為奸利曹欽誅坐流廣西除

神英京師人國初高祖保以功為大同指揮僉

字父傑立功雲南進指揮使陞陝西都指揮英
嗣首揮使延安衛累捕鹵先登成化弘治間充
總兵守寧夏延綏宣府大同歷四鎮累官署都
督勅致仕大貲劉瑾下兵部傳會前後功中律
封涇陽伯瑾敗奪伯為右都督

張雷新城人以弟太監永得為錦衣指揮使正
德五年緣右都督論永發捕劉瑾功推恩封泰
安伯嘉靖初除為錦衣指揮使

張容富弟以兄太監永得為錦衣都指揮僉事
正德五年繇右都督論永發捕劉瑾功推恩安
定伯嘉靖初除為右都督

朱德缺邑里初冒太監裴姓為義子曰裴德又
曰武德又曰朱德正德五年以義兒賜姓封永
壽伯十六年下獄除

馬山涿人正德五年以弟太監永成冒誅劉瑾
功推恩封平涼伯十六年除

谷大寬以弟太監大用冒平流賊功推恩封高
平伯十六年除

谷大亮以兄太監大用冒平流賊功推恩封永
清伯十六年除

陸永缺邕里正德五年以兄太監閔推恩封鎮
平伯除

魏英榆次人正德五年以兄太監彬推恩封鎮
安伯十六年革為都督同知

朱叅故姓訐起指揮驍勇通文義為游擊將軍
征沅賊有功陞都督賜國姓為兒從巡邊斬酋
首封永定伯十六年除

陶仲文黃岡人以方術得幸世宗封恭誠伯除
魏良卿肅寧人以叔忠賢三殿工成封肅寧伯
尋進寧國公天啟七年以罪誅除

魏良棟良卿弟以寧錦三捷封東安侯七年以
罪誅除

魏鵬翼良棟弟以寧錦三捷封安平伯七年以
罪誅除

張昶永城人仁宗昭皇后弟也父麟洪武中以
女為燕世子妃授兵馬副指揮食俸京師昶從
靖雖以義勇中衛指揮同知累陞指揮使二十
二年仁宗即位封彭城伯予世券卒孫璟嗣成
化十六年信嗣正德三年銘嗣嘉靖十七年勲
嗣卒亡子三十年弟熊嗣

張昇昶弟以舍人從靖難守城累出塞有功陞
後府都督同知洪熙元年陞左軍都督府左都
督正統五年以功以親封惠安伯予世券昇循
禮守法為士林所稱卒孫琮嗣卒亡子成化五
年弟瑛嗣卒亡子十六年弟瓚嗣弘治七年偉
嗣嘉靖十七年綱嗣三十四年元善嗣

孫忠鄒平人以宣宗章皇后父宣德四年封會
昌伯予世券卒子繼宗嗣英宗復辟加侯追贈

忠安國公繼宗卒贈鄴國公成化十六年孫銘
嗣正德十五年累嗣嘉靖八年以外戚恩澤除
吳安丹徒人以景帝生母吳太后弟封安平伯
天順元年太后復為貴妃除

錢承宗海州人以英宗孝莊睿皇后弟封安昌
伯卒子維圻嗣嘉靖中以外戚恩澤除

周壽昌平人成化三年以生母孝肅皇太后弟
自都督同知進封慶雲伯十七年進侯予世弘

治元年加太保卒贈宣國公子瑛嗣除

周或昌平人成化二十一年以生母孝肅皇太后弟自都督同知進封長寧伯予世卒正德三年子塘嗣十四年大經嗣例除

王源上元人以憲宗純皇后弟成化二十年自中府都督同知進封瑞安伯予世弘治五年進侯卒贈太師

王清源弟弘治十年以都督同知封崇善伯除

王濬源弟正德二年以左都督封安仁伯除
邵善昌化人嘉靖初以睿宗生母孝惠皇后弟
子錦衣指揮使進封昌化伯予世卒子惠嗣亡
子族人杰同例除

張繼興濟人以孝宗敬皇后父弘治三年自都
督同知進封壽寧伯五年進侯卒贈太保昌國
公子鶴齡嗣十六年加太保正德中進太傅嘉
靖二年加太師以定策進封昌國公以罪除

張廷齡鶴弟弘治八年以都督同知進封建昌
伯十六年進侯加太保嘉靖初加大傅以罪除
蔣輪徐州人以睿宗獻皇后弟嘉靖元年以錦
衣指揮僉事封玉田伯卒贈太保

夏儒上元人以武宗毅皇后父正德二年以都
旨同知封慶陽伯予世十年卒子臣十六年嗣
伯嘉靖二年加太子太保卒八年傳嗣

陳萬言元城人以世宗孝潔皇后父嘉靖元年

自都督同知封泰和伯除

方銳江寧人以世宗孝烈皇后父嘉靖十九年
自後府左都督封安平伯二十一年進侯卒子
承裕嗣例除

杜繼宗大興人以穆宗生母孝恪太后弟隆慶
元年自錦衣衛指揮僉事封慶都伯

李銘缺邑里以穆宗孝懿莊皇后父隆慶元年
封德平伯

陳景行通州人以穆宗孝莊皇后父隆慶元年自
錦衣指揮僉事進封固安伯

李偉宛平人以神宗慈聖皇太后父隆慶六年
神宗即位自都督同知進封武清伯

王

張國紀河南人以熹宗張皇后父天啟元年自
都督同知進封武康伯

周奎吳縣人以思宗烈皇后父崇禎元年自都

督同知進封嘉定伯

崔元代人尚憲宗女永康公主為駙馬都尉嘉靖初以奉迎車駕得封京山侯予世券坐張皇后親事下詔獄得釋

鄭芝龍

左良玉

吳三桂

唐通

石曜

卷 思澤外戚世表

八

黃得功

劉澤清

劉良左

高傑

石匱書曰國朝恩澤之盛無過於英宗朝以奪
門冒功者至四千餘人 憲宗朝以傳奉得官
至三千餘人袍帶冠裳殆半天下一旦清理仕
途削奪之易如疾風掃葉此則小吏宜然及至

事後徐揚曹石榮華無幾乍遂隨之與彼冒功
諸官亦復何异而堂堂朝士乃以弔詭假託竊
取功名不幾貲後人一嘆哉

石叢書

卷

見津外感世表